

ТЕХНОЛОГИК ТАЪЛИМ ЙЎНАЛИШИ ТАЛАБАЛАРИДА ТАЯНЧ, КАСБИЙ ВА МАХСУС КОМПЕТЕНЦИЯЛарНИ РИВОЖЛАНТИРИШНИНГ ДИДАКТИК ИМКОНИЯТЛАРИ

Содиқова Азиза Найитовна

Бухоро давлат университети 2-босқич таянч докторанти

<https://doi.org/10.5281/zenodo.7086705>

Аннотация. Уибу мақолада технологик таълим йўналиши талабаларида таянч, касбий ва махсус компетенцияларни ривожлантиришининг дидактик имкониятлари ҳақида сўз боради. Мақола давомида турли илмий асослар ва мулоҳазалар бериб ўтилган.

Калим сўзлар: таълим, ҳаётий кўникма, таълим-тарбия жараёни, компетентлик.

ДИДАКТИЧЕСКИЕ ВОЗМОЖНОСТИ РАЗВИТИЯ БАЗОВЫХ, ПРОФЕССИОНАЛЬНЫХ И СПЕЦИАЛЬНЫХ КОМПЕТЕНЦИЙ У СТУДЕНТОВ ТЕХНОЛОГИЧЕСКОГО ОБРАЗОВАНИЯ

Аннотация. В данной статье говорится о дидактических возможностях развития основных, профессиональных и специальных компетенций у студентов технологического образования. В ходе статьи приводились различные научные основания и соображения.

Ключевые слова: образование, жизненные навыки, образовательный процесс, компетентность.

DIDACTIC OPPORTUNITIES FOR DEVELOPMENT OF BASIC, PROFESSIONAL AND SPECIAL COMPETENCIES IN STUDENTS OF TECHNOLOGICAL EDUCATION

Abstract. This article talks about the didactic possibilities of developing basic, professional and special competencies in students of technological education. During the article, various scientific bases and considerations were given.

Keywords: education, life skills, educational process, competence.

КИРИШ

Таълимнинг устувор вазифаларидан бири, бу таълим олувчи онгу шуурида миллий ва умуминсоний қадриятларни қарор топтириш, унда келажакда жамиятда ўз муносиб ўрнини топиши учун амалий ҳаётий кўникмаларни шакллантириш билан ўқувчи ёшларнинг ижтимоий-иқтисодий муносабатларга фаол киришишига замин ҳозирлашдир.

Шу нұктаи назардан, таълим-тарбия жараёнини нафақат таълим олувчиларга фанлар бўйича билим бериш, балки эгаллаган билим ва малакаларини амалга татбиқ этиш, улардан майший ҳаётда фойдаланиш кўникмаларни шакллантиришга йўналтириш ҳам асосий вазифалардан биридир.

Бугунги кунда таълим тизими тадқиқотчилар томонидан турлича талқин этилаётган компетенция тушунчаси ва унинг мазмуни, чегаралари, унинг таркибий қисмларининг тузилиши каби муаммолар билан туқнашиб турибди.

Психологик-педагогик адабиётларда ҳамда республикамиз ва хорижлик кўпгина педагог олимларнинг илмий ишларида “компетенция” ва “компетентлик” деган тушунчалар кейинги вақтларда кенг қўлланилмоқда. Таълим тизимиға компетентли ёндашув хорижий адабиётларда ўтган асрнинг 60 йилларида шакллана бошланиб, “Компетенция” масаласи кўп йиллардан буён олимлар томонидан ўрганилиб келинмоқда.

Улар Н.А. Муслимов, Ш.Ш.Шарипов, Х.Ф.Рашидов, С.Ю.Махмудов, О.А.Қўйсинов, М.Х.Сайдов, Р.Уайт, Дж.Равен, Н.В.Кузьмина, А.К.Маркова, В.И.Байденко, А.В.Хугорский, С.И.Ожегов ва бошқалар. Компетентликни шакллантириш масалалари бўйича Э.Ф.Зеер, И.А.Зимняя, В.И.Байденко, А.А.Вербицкий ва бошқалар илмий изланиш ва тадқиқотлар олиб борганлар. Компетентлик тушунчасининг луғавий маъноси турли тилларда қўйидагича изоҳланади:

- Competent (француз тилида) – ваколатли;
- Competent (лотин тилида) – қобилиятли;
- Competent (инглиз тилида) - қобилиятли.

ТАДҚИҚОТ МАТЕРИАЛЛАРИ ВА МЕТОДОЛОГИЯСИ

“Компетенция” ва “компетентлилик” тушунча ва атамаларини яхши идрок этиш ниятида бир қатор луғатларга эътиборимизни қаратамиз:

“Ўзбекистон миллий энциклопедияси”да эса қўйидагича талқин этилган: компетенция – у ёки бу соҳадаги билимлар, тажриба. [Ўзбекистон миллий энциклопедияси 4-жилд. 682б]

С.И. Ожегов бу тушунчаларни рус тили изоҳли луғатида қўйидагича изоҳлайди.

“Компетенция – 1. Бирор киши жуда яхши билган ёки хабардор бўлган масалалар доираси. 2. Бирор кишининг вазифалари, хуқуқлари доираси”

“Компетентлик - бирор соҳа бўйича ҳар томонлама чуқур билимга эга бўлган ва шунинг учун ҳам фикри салмоқли, ишончли ҳисобланган кишининг сифати”.

Н.А.Муслимов компетентликни қўйидагича таърифлаган:

“компетентлик бу- талабаларнинг шахсий ва ижтимоий аҳамиятга эга касбий фаолиятининг амалга оширилиши учун зарур бўлган билим, кўникма ва малакаларнинг эгалланиши ҳамда уларни касбий фаолиятда қўллай олиши билан ифодаланади”.

А.Х.Махмудов эса, компетентликка қўйидагича таъриф берган: “компетентлик бу-доимо ўзгариб бораётган шароитларда ёки мутахасиснинг касбий фаолиятини самарали олиб боришга имкон берувчи шахсга хос интеграллашган сифатлардир”.

“Олий таълим” луғат-маълумотнома тўпламида – “Компетентлик – тегишли, лаёқатли, ваколатлилик. Муайян ижтимоий касбий мавқега эга шахсларнинг улар бажараётган вазифа ва ҳал этаётган муаммолари мавжуд мураккаблик даражасига билимлари, лаёқатлари ва тажрибалари мос келганлик даражаси. “Малака” терминидан фарқли ўлароқ у малакани тавсифловчи соф касбий билим ва лаёқатни ўз ичига олишдан ташқари, яна сифат, ташаббус, ҳамкорлик, гуруҳда ишлай билиш қобилияти, коммуникатив ўқув, таълим олиш, баҳолаш ўкуви, мантиқий фикрлаш, ахборотни танлаш ва фойдаланиш лаёқатлари каби сифатларни ҳам ўзида мужассамлаштиради деб ифодаланган. [М.Х.Сайдов, 144 б.]

Компетентлик— тушунчаси шахснинг доимо ўсиб борувчи таснифи бўлиб, реал ҳаётий вазиятларда юзага келган муаммоларни ечиш қобилияти, ўз билими, ўқув ва ҳаётий тажрибалари, қадриятлари ва қизиқишларини унга сафарбар этиш имкониятлари ҳисобланади [Кулешова 31 б.].

Компетентлик – бу билимларни ташкил этишнинг ўзига хос типи бўлиб, шахснинг умумий интеллектуал ривожланишида, касбий масалаларни максимал даражада самарали ҳал қила билиш ва теварак атрофдаги борлиқ талабларини объектив равишда баҳолай билиш имконини берувчи мавжуд ақлий тажриба таркибий қисмларининг, ахборотни

қайта ишлаш механизмининг, индивидуал равишида интеллектуал фаолиятни танлай билишнинг шаклланганлигида ўз ифодасини топади.

Умуман, “компетентлик” тушунчасини аниқлаш борасида олиб борилган барча илмий ишлар ва тадқиқотлар таҳлили шуни кўрсатадики, компетентлик - шахснинг ўз олдига қўйилган вазифаларни бажара олиш қобилиятидир. Унинг аниқ ишни бажариши учун олган билимлари йифиндиси, маҳорати ва кўнимкамлари асосий восита бўлиб хизмат қиласди. Шу билан бирга, унинг когнетив ва доимо ўсиб борувчи кўнимкамлари, мақсадлари, руҳий кечинмалари ва бошқа фазилатлари ҳам “компетентлик” тушунчаси моҳиятига киради. Шахснинг бир-бири билан узвий боғланган барча ҳислатлари компетентликни комплекс тушуниш имконини беради. Бу инсоний сифатлар ички ва ташки шароитларда ва талаблар қўйилганда юзага чиқади.

Компетентликни аниқлаш бўйича барча ёндашувлардаги умумийлик томони шундаки, компетентлик амалий фаолият жараёнида шаклланади ва намоён бўлади. Таълим жараёнини компетентлик ёндашувига йўналтириш таълимда методик шарт-шароитлар, янги педагогик технологияларнинг мазмуни ва қўлланишини қайтадан кўриб чиқиш ва ишлаб чиқишини талаб этади, чунки компетентликлар ҳеч бир фан бўйича на билимларга ва на кўнимкамларга таалуқли эмас. Анъанавий таълимда асосий эътибор таълим олувчининг маълум бир билим, кўникма ва малакалар тўпламини эгаллашига қаратилган бўлганлиги сабабли, бугунги кунда чуқур билимларга эга бўла туриб, уларни зарурат ёки имконият пайдо бўлганда, керакли вақтда ва керакли жойида ўз ўрнида қўллай олмайдиган одамларни учратиши мумкин.

Хозирги кун ўқитувчисининг ўкув фанлари бўйича фақатгина билим, кўникма ва малакаларга эга бўлишнинг ўзи етарли эмаслиги барчага бирдек маълум.

билим - ўрганилган маълумотларни эслаб қолиш ва қайта тушунтириб бериш;

кўникма- ўрганилган билимларни таниш вазиятларда қўллай олиш;

малака- ўрганилган билим ва шаклланган кўнимкамларни нотаниш вазиятларда қўллай олиш ва янги билимлар ҳосил қилиш;

компетенция- мавжуд билим, кўникма ва малакаларни кундалик фаолиятда қўллай олиш қобилияти.

Агар бўлажак ўқитувчининг билим, кўникма ва малакаси билан биргаликда компетенциявий ёндашувчанлиги бўлмаса:

-таълим муассасасини муваффақиятли битирган ёш мутаҳасис, ҳаётда кўп муваффақиятсизликларга учрайди;

-олий таълим муассасини битириб янги ишга борган ёш мутаҳассис университет ёки институтда касбига оид билим ва кўнимкамларни етарли даражада олган бўлсада, иш жойига кўниши узоқ вақт давом этади;

-ноқулай вазиятларда маълум бўладики, умумий ўрта таълим ва олий таълимда олинган билим ва кўнимкамлар тезда ҳал қилиниши керак бўлган ҳаётий вазиятларга тўғри келмайди ёки умуман ҳаётида керак бўлмайди.

Шунга кўра таълим жараёнига талabalар эгаллаган билим, кўникма ва малакаларни бевосита кундалик ҳаётида қўллашга ўргатадиган **компетенциявий ёндашувга** асосланган ДТС ларни яратиш ва таълим жараёнига қўллаш зарурияти юзага келди.

ТАДҚИҚОТ НАТИЖАЛАРИ

И.А.Зимняя, таянч компетенцияларни гурухлаш асосларини ажратиш ва назарий жиҳатдан асослаб беришга, уларнинг асосий, зарур атамалари мажмуини аниқлашга ва уларнинг ҳар бирига киритиладиган компетенция турларини белгилашга ҳаракат килди. Таянч компетенцияларнинг уч гурухини ажратиб олиш учун назарий асос сифатида психологияда шакллантирилган қоидалар хизмат қиласи, бу қоидаларга инсон мулоқот, билим олиш ва меҳнат субъекти эканлиги (Б.Г.Ананьев); инсон жамиятга, бошқа одамларга, ўзига нисбатан муносабатлар тизимида намоён бўлиши (В.Н.Мясищев); инсоннинг компетентлилиги акмеологик ривожланиш векторига эга эканлиги (Н.В.Кузьмина, А.А.Деркач); касбий маҳорат компетентликни ўз ичига олиши (А.К.Маркова) кабилар киради.

Таянч компетенциялар – инсоннинг жамиятдаги ҳаётий фаолиятидаги долзарб ва истиқболли аҳамиятга эга бўлган турли соҳаларга тегишли бўлган масалалар, билимлар, амалий маълумотлар ва фаолият усулларидан иборат жараён бўлиб, уларни ўзлаштириш бир томондан инсоннинг шахсий ва ижтимоий жиҳатдан муваффақиятли фаолиятини таъминласа, бошқа томондан, жамиятнинг маълум бир сифатдаги инсон ресурсларига бўлган талабларини қондиришга хизмат қиласи.

Компетенциялардан, таълим компетенцияларни фарқлаш лозим. Таълим компетенцияси бўлажак ўқитувчини келажакдаги тўлақонли ҳаётидаги фаолиятини моделлаштиради. Маълумки, баъзи компетенциялар, бошқаларига нисбатан умумий ёки аҳамиятлироқ бўлади. Шунга кўра уларни учта даражага бўлиш мумкин:

- таянч компетенциялар –таълим мазмунининг умумий(метапредмет) қисмига тегишли;
- умумпредмет (касбий) компетенциялари –маълум доирага кирувчи ўқув предметлари ва таълим соҳаларига тегишли;
- предметга оид (маҳсус) компетенциялар – олдинги иккитага нисбатан хусусий ҳисобланиб ўқув предмети доирасида шакллантирилади.

Таянч компетенцияларнинг дунё бўйича ягона рўйхати йўқ. Чунки ҳар бир мамлакатнинг ўз анъаналари, менталитети ва ўзига хос талаблари бор. Компетенция- бу жамиятнинг ўз фуқароларига қўйган ижтимоий буюртмаси бўлиб, уларнинг рўйхати маълум бир мамлакатдаги ижтимоий муҳит билан белгиланади ва бу рўйхат тадқиқотчи олимларимиз томонидан қўйдагича ишлаб чиқилди:

Коммуникатив компетенция — ижтимоий вазиятларда она тилида ҳамда бирорта хорижий тилда ўзаро мулоқотга кириша олишни, мулоқотда муомала маданиятига амал қилишни, ижтимоий мослашувчанликни, ҳамкорликда жамоада самарали ишлай олиш лаёқатларини шакллантиришни назарда тутади.

Ахборотлар билан ишлаш компетенцияси — медиаманбалардан зарур маълумотларни излаб топа олишни, саралашни, қайта ишлашни, сақлашни, улардан самарали фойдалана олишни, уларнинг хавфсизлигини таъминлашни, медиа маданиятга эга бўлиш лаёқатларини шакллантиришни назарда тутади.

Ўзини ўзи ривожлантириш компетенцияси — доимий равища ўз-ўзини жисмоний, маънавий, рухий, интеллектуал ва креатив ривожлантириш, камолотга интилиш, ҳаёт давомидаги мустақил ўқиб-ўрганиш, когнитивлик қўнималарини ва ҳаётий тажрибани мустақил равища мунтазам ошириб бориш, ўз хатти-ҳаракатини муқобил баҳолаш ва мустақил қарор қабул қиласи олиш қўнималарини эгаллашни назарда тутади.

Ижтимоий фаол фуқаролик компетенцияси — жамиятда бўлаётган воқеа, ҳодиса ва жараёнларга дахлдорликни ҳис этиш ва уларда фаол иштирок этиш, ўзининг фуқаролик бурч ва ҳуқуқларини билиш, унга риоя қилиш, меҳнат ва фуқаролик муносабатларида муомала ва ҳуқуқий маданиятга эга бўлиш лаёқатларини шакллантиришни назарда тутади.

Миллий ва умуммаданий компетенция — ватанга садоқатли, инсонларга меҳроқибатли ҳамда умуминсоний ва миллий қадриятларга эътиқодли бўлиш, бадиий ва санъат асарларини тушуниш, ораста кийиниш, маданий қоидаларга ва соғлом турмуш тарзига амал қилиш лаёқатларини шакллантиришни назарда тутади.

Математик саводхонлик, фан ва техника янгиликларидан хабардор бўлиш ҳамда фойдаланиш компетенцияси — аниқ ҳисоб-китобларга асосланган ҳолда шахсий, оиласвий, касбий ва иқтисодий режаларни тузা олиш, кундалик фаолиятда турли диаграмма, чизма ва моделларни ўқий олиш, инсон меҳнатини енгиллаштирадиган, меҳнат унумдорлигини оширадиган, қулай шарт-шароитга олиб келадиган фан ва техника янгиликларидан фойдалана олиш лаёқатларини шакллантиришни назарда тутади.

МУҲОКАМА

Ю.В.Фролов, бўлажак технологик таълим ўқитувчиси эгаллаши керак бўлган учта интеграциялашган компетенциялар гуруҳини тузади:

- умумий (таянч) компетенциялар;
- услубий (касбий педагогик) компетенциялар;
- мавзуга йўналтирилган (маҳсус) компетенциялар.[]

В.А.Козырев ва Н.Ф.Радионовлар касбий компетенцияни умумий, таянч ва маҳсус компетенцияларнинг бирикмаси сифатида тушунишга аниқлик киритдилар.

Муаллифларнинг фикрига кўра, умумий компетенциялар ҳар қандай касбий фаолият учун зарур бўлиб, бугунги кунда улар алоҳида аҳамиятга эга. Улар, биринчи навбатда, ахборот, мулоқот ҳамда фуқаролик жамиятида шахс хатти-ҳаракатларининг ижтимоий ва ҳуқуқий асосларидан фойдаланиш асосида касбий муаммоларни ҳал қилиш қобилиятида намоён бўлади.

ХУЛОСА

Таянч компетенциялар маълум бир касбий фаолиятнинг ўзига хос хусусиятларини акс эттиради. Таянч компетенциялар касбий педагогик фаолият учун жамият ривожланишининг муайян босқичида таълим тизимига қўйиладиган талаблар контекст (боғланиш)да касбий фаолиятни шакллантириш учун зарур ҳисобланади.

Маҳсус компетенциялар касбий фаолиятнинг маълум бир предмети ёки субъектидан ташқари соҳанинг ўзига хос хусусиятларини акс эттиради. Маҳсус компетенцияларни ўқув предмети, касбий фаолиятнинг маълум бир йўналиши бўйича умумий ва таянч компетенцияларни амалга ошириш деб ҳисоблаш мумкин.

Албатта, компетенцияларнинг уч тури ҳам бир-бирига боғланган ва бир вактнинг ўзида ривожланади. Бу педагогик фаолиятнинг индивидуал услубини шакллантиради, мутахасиснинг яхлит қиёфасини яратади ва пировардида унинг касбий малакасини шакллантиришни таъминлайди.

REFERENCES

1. Sodiqova A.H. Kompetensiyaviy yondashuvlar asosida bo'lajak o'qituvchilarning ijodkorlik qobiliyatlarini rivojlantirish imkoniyatlari // Models and methods for increasing the efficiency of innovative research. International scientific - online conference. Berlin 2021. 109-112 b.
2. Sodiqova A.H. Talabalarning kiyimlarni loyihalash va modellashtirishga oid kompetensiyalarini rivojlantirishning dolzarblii // Respublika ilmiy-amaliy konferensiya Sodiqova A.H. Shaxsning kasbiy faoliyatini o'rganishga psixologik yondashuv // "Kasbhunar ta'limi" Respublika ilmiy-uslubiy, amaliy, ma'rifiy jurnal. Toshkent sh. 2019-yil.25-29 b.
3. Содиқова А.Х. Бўлажак технология фани ўқитувчиларининг кийимларни лойиҳалаш ва моделлаштиришга оид компетенцияларини ривожлантириш зарурати // "Таълим ва инновацион тадқиқотлар". Илмий-методик журнал. – Бухоро. 2021. № 5. – Б. 288-294
4. Абдуллаева Қ.М. Maxsus фанларни ўқитишида бўлажак ўқитув-чиларнинг касбий билим ва кўникмаларини шакллантиришнинг методик асослари: Дис. ... пед. фан.ном. –Т.: 2006. –182 б
5. Зеер Э.Ф., Заводчиков Д. Идентификация универсальных компетенций выпускников работодателем // Высшее образование в России/ -2007. -№2
6. Зимняя И.А. Ключевые компетенции – новая парадигма результата образования / И.А. Зимняя // Высшее образование сегодня. – 2003.
7. Қўйсинов О.А. Касб таълими юналиши бакалавр утситувчиларни тайёрлашда мустатсил таълимнинг илмий – методик асослари пед.фан.ном. дисс.- Тошкент 2008 – 160 б.
8. Қўйсинов О.А. Бўлажак меҳнат таълими ўқитувчиларини тайёрлашда мустақил таълимнинг педагогик-психологик аҳамияти // Таълим технологиялари. – Тошкент, 2007. – №1. – Б. 31 - 32.
9. Қўйсинов О.А. Компетентли ёндашув асосида бўлажак ўқитувчиларнинг касбий-педагогик ижодкорлигини ривожлантириш технологиялари: пед. фан. докт.... дисс. – Т., 2019. – Б.58
10. Митина Л.М. Учитель как личность и профессионал. – М.: Дело, 1994. – 215с.
11. Митяева А.М. Компетентностная модель многоуровневого высшего образования (на материале формирования учебно-исследовательской компетентности бакалавров и магистров). Автореферат дисс. док. пед. наук. -Волгоград, 2007. -43 с.
12. Муслимов Н.А., Қўйсинов О.А. Касб таълими ўқитувчиларини тайёрлашда мустақил таълимни ташкил этиш. Методик қўлланма. – Т.: ТДПУ, 2006. – 46 б.
13. Муслимов Н.А. Касб таълими ўқитувчиларини касбий шакллантиришнинг назарий – методик асослари.: Автореф. дис. ... пед. фан. докт. – Т.: 2007. – 45 б.
14. Муслимов Н. ва бошқалар. Бўлажак касб таълими ўқитувчиларининг методик компетентлигини шакллантириш технологиялари: Методик қўлланма. – Т.: ТДПУ, 2014. – 124 б.